

ՀԱՅԱՍՏԱՆԻ ԳԻՏՈՒԹՅՈՒՆՆԵՐ

1. Խաչիկյան

1280 ԹՎԱԿԱՆԻՆ ԵՐՁՆԿԱՅՈՒՄ ԿԱԶՄԱԿԵՐՊՎԱԾ
«ԵՂԲԱՅՐՈՒԹՅՈՒՆԸ»

Միջնադարյան Հայաստանի քաղաքների ներքին կյանքի մասին հայ պատմագիրների աշխատություններում կան միայն պատահական ու անորոշ ակնարկներ: Դրանց միջոցով անհնար է քիչ թե շատ բավարար պատկերացում ունենալ այդ քաղաքների և շրջակա գյուղերի միջև գոյություն ունեցող ամենօրյա տնտեսական կապերի, քաղաքային բնակչության դասակարգային շերտավորման, առևտրա-արհեստավորական շերտերի և ֆեոդալական վերնախավի միջև տեղի ունեցող բախումների, քաղաքային ինքնավարության մարմինների, նրանց իրավունքների ու սոցիալական կազմի և բազմաթիվ այլ հարցերի մասին:

Բարեբախտաբար մեր Մատենադարանում կան մինչ այժմ պատշաճ ուղղորդված չգրաված ձեռագիր սկզբնաղբյուրներ (խոսքը վերաբերում է XII—XV դարերում գրված Բարոզ-գրքերին, մեկնողական գրվածքներին և Կանոն-գրքերին), որոնք պարունակում են վերոհիշյալ հարցերի լուսարանմանը նպաստող ուղղորակ նյութեր:

Այդ նյութերը հնարավորություն են տալիս հետևելու դասակարգային հարատև այն պարբերին, որ մղվում էր քաղաքային բնակչության լայն խավերի և երկրի օտար ու տեղական ֆեոդալ իշխողների միջև՝ մի կողմից և հակաֆեոդալական օպոզիցիայի բաղկացուցիչ շերտերի միջև՝ մյուս կողմից:

Տնտեսական ու սոցիալական հողի վրա բախվում էին արտադրող արհեստավորների շահերը մի խումբ մեծատուն առևտրականների շահերին, որովհետև վերջիններս, հանդես գալով որպես պատվիրատուներ՝ և տեղի լինելով արտադրվող ապրանքի հում նյութին ու իրացնելով արտադրանքի վաճառքը հեռավոր շուկաներում՝ շահագործում էին արհեստավորների աշխատանքը: Բախվում էին նաև հմուտ արհեստավոր վարպետների շահերը «գործավորների» (ենթավարպետների) և «աշակերտների» շահերին, որովհետև վերջիններս՝ արտադրական գործիքներ շուկանալով և կաշկանդված լինելով գոյություն ունեցող օրենքներով ու սովոր

ություններով, զրկված էին ինքնուրույն կերպով արտադրելու հնարավորությունից: Քաղաքային բնակչության ամենաստորին աստիճանի վրա էին գտնվում իրավազուրկ մշակները, որոնց շարքերն օր ավուր լրացնում էին ճորտական լծից ազատվել տենչացող գյուղացիներով:

Քաղաքային բնակչության մի փոքր մասը միայն անց էր կացնում իր օրը կեր ու խումի, երգ ու պարի և շոալության մեջ, իսկ մյուս՝ մեծագույն մասին վիճակված էր դառն ու տաժանակիր աշխատանքը և զրկանքներով ու տառապանքներով լի առօրյան:

Դիտող ու կշռադատող ժամանակակիցների համար պարզ էր, որ «Ի չքաւորութենէ աղբատի և յառատութենէ մեծատան, ի մէջ ժողովրդեան ծնանի երկպառակութիւնս»¹

Ահա, այդ հարատև ու անդադրում «երկպառակութիւնս», այսինքն սոցիալ-տնտեսական շահերի ամենօրյա բախումների ընթացքում քաղաքի աշխատավոր շերտերը աստիճանաբար հասունանում էին ավելի կազմակերպված դասակարգային պայքարի: Քաղաքներում ստեղծվում են առևտրական ու արհեստավորական «Ծղբայրութիւններ», որոնք միավորելով նույն զբաղմունքի կամ նույն սոցիալ-տնտեսական գոյավիճակի մարդկանց՝ կարևոր դեր են խաղում երկրի տնտեսական ու քաղաքական կյանքում:

Այդ «Ծղբայրութիւնների» գոյության ու չության հարցը պարզելու տեսակետից բացառիկ արժեք են ներկայացնում Մատենադարանի ձեռագրերից մեզ հայտնի դարձած «Սահմանք և կանոնք միաբանութեան եղբարց...» խորագրով կանոնները, որոնք վերաբերում են նրազրեկա քաղաքին:²

¹ Մատենադարան, ձեռագիր № 677, էջ 254:

² Երզնկայի Ծղբայրության «Սահմանքի» բնագիրը պահպանվել է Մատենադարանի երկու (№№ 2329 և 652) ձեռագրերում:

№ 2329 ձեռագիրը բովանդակությամբ բերականական, խրատական ու կանոնական նյութերի ժողովածու է. բաղկացած 303 թղթի թեր-

* * *

XII—XIV դարերի Հայաստանի քաղաքների մեջ, որպես միջազգային առևտրի կարևորագույն հանգուցակետ և արհեստագործություն կենտրոն, ուրույն տեղ է գրավում Երզնկան։

Գտնվելով Արևելքը Արևմտյան Եվրոպայի երկրների և Ռուսաստանի հարավային շրջանների հետ կապող կարևորագույն երկու ուղեգծերի վրա, նա մասնակցում էր միջազգային առևտրին թե՛ որպես Թավրիզ—Այաս քանուկ մագիստրալի օղակներից մեկը և թե՛ որպես Տրապիզոնի ցամաքային մատույցը։ Այսպիսով, Երզնկայի առևտրականները սերտ կապերի մեջ էին Կիլիկյան նավահանգիստների, Տրապիզոնի, Ղրիմի, ինչպես և Իրանի ու Հայաստանի վաճառաշահ քաղաքների՝ հատկապես Թավրիզի ու Անիի հետ։

XII—XV դարերում Երզնկա այցելած ճանապարհորդները խոսում են նրա մասին, որպես «հայաքնակ», «ընտիր», «մեծ ու շեն» քաղաքի, գտնվում են Երզնկայի ճարտար մանածագործներին, որոնք հյուսում են «աշխարհի լավագույն բեհեզները» (Մարկո-Պոլո) կամ «իբր անուկով կոչվող գեղեցիկ կերպասները», վկայում են այն մասին, որ այնտեղ կան «լավ կարգավորված շուկաներ», զարմանում են քաղաքում արտադրվող պղնձե ամանների և հատկապես զարդարուն աշտանակների արվեստով և հայտնում են, որ քաղաքի վերոհիշյալ արտադրանքը մեծ հռչակ ունի հեռավոր շուկաներում (Իբն-Բատտա)։

Արաք աշխարհագիր Յակուտին, իր «Աշխարհագրական բառարանում» Արզանջան (Երզնկա) անվան դիմաց գրում է. «Այն գեղեցիկ և համբավավոր քաղաք է, շատ հաճույի և բարիքներով լի։ Երզնկան ճանապարհորդների ուղարկությունն է գրավում նաև հետագա՝ XV դարում։

Իսպանացի Կլավիխոն (ճանապարհորդել է 1403—06 թթ.) հայտնում է, որ «չրջապատի բոլոր կողմերից կարելի է տեսնել դյուղեր՝ որթատունկերով և բուսականությամբ. ամբողջ

թերից, ընդօրինակված է Երզնկայում 1291 թվականին։ «Սահմանի» բնագիրը գտնվում է ձեռագրի 287ր—295ա էջերում։

Երկրորդ ձեռագիրը Մատենադարանի № 652 կանոնական ու խրատական նյութերի ժողովածուն է։ Բաղկացած է 132 թղթի թերթերից, ընդօրինակված է ԺԾ—ԺՁ դարում Գրիգոր կրոնավորի կողմից Հակոբ Լպիսկոպոսի համար։ «Սահմանի» բնագիրը գտնվում է ձեռագրի 70ր—75ր էջերում։

դաշտում մշակվում էր որթատունկ և հացահատիկ... Քաղաքը շատ բազմամարդ է և այնտեղ կարելի է տեսնել շատ գեղեցիկ փողոցներ ու հրապարակներ։ Այնտեղ բնակվում են պաշտոնական մեծաթիվ անձինք, որոնց մեծագույն մասը հարուստ մարդիկ են, կան նաև մեծափարթամ վաճառականներ։

Վստահելի տվյալներ են հասել մեղ նաև Իրզրնկայի ճարտարարվեստ ոսկերիչների, արծաթագործների ու շինարարների մասին (Հայապատում, Բ. 480, Կ. Երզնկացի, էջ 96 և այլն), ինչպես նաև այն մասին, որ Երզնկայի շրջակայքում բացի խաղողից, մրգածառերից ու հացահատիկից, մշակում էին նաև բամբակ։¹

Առկա աղբյուրները հնարավորություն են տալիս մերձավորապես որոշելու նաև Երզնկայի բնակչության թիվը։ Ըստ ամենահամեստ հաշվարկի, XIII—XV դարերում քաղաքն ունեցել է 18.000-ից ոչ պակաս բնակիչ (ամենայն հավանականությամբ 40—50 հազար)։²

Պարբերաբար կրկնվող կործանարար երկրաշարժերն ու բազմաթիվ արշավանքներն ու ասպատակությունները, որին ենթարկվել է Երզնկան նշված դարերում, հասցրել են նրան ծանր վերքեր, սակայն ժամանակավորապես են միայն խանգարել քաղաքի նորմալ կյանքը։ Քաղաքը, շնորհիվ իր բնակչության տոկունության և բարենպաստ դիրքի, շուտով բուժել է իր վերքերը և ողջ միջնադարի ընթացքում շարունակել է իսպալ կարևոր դեր Փոքր Ասիայի տնտեսական ու կուլտուրական կյանքում։

1280 թվականին Երզնկայում տեղի է ունենում կարևոր մի իրադարձություն, ստեղծվում

¹ Այս տեղեկության հեղինակը 17-րդ դարի կեսի նշանավոր տեղագիր Հակոբ Կարենցին է, նա գրում է. «Եւ ունի (երկիրն Եկեղիաց) քաղաք մեծ՝ զԵրզնկայ, որ լի է ամենայն բարութեամբ, բամբակօր, այգեստանօր և մրգաբեր ծառօր» (Տեղագիր Վերին Հայոց, 1903, էջ 11—12)։

² Բնակչության մերձավոր թիվը որոշելիս ի նկատի ենք ունեցել Երզնկայի երկրաշարժերի մասին մեզ հասած հետևյալ վստահելի տվյալները։

1255 թվականից մի քանի տարի առաջ տեղի ունեցած երկրաշարժից, ինչպես հաղորդում է Ու. Ռուբրորը, «Տասը հազար անունով մարդիկ կորած էին, ի բաց առեալ աղբատներից, որոնց մասին արձանագրություն չկար» (տես «Ուղեգրություններ», հտ. Ա, էջ 24)։ Պակաս չի եղել զոհերի թիվը նաև 1268 թվականի երկրաշարժից։ 1458 թ. երկրաշարժի մա-

ի ինչ-որ «եղբայրութիւն» Գրիգոր Սանահնեցի անունով մի ծերունի վարդապետ կարգվում է այդ եղբայրության գլուխ, իսկ Հովհան Երզնկացի նշանավոր վարդապետը գրում է այդ եղբայրության «Սահմանք և կանոնք»:

* * *

Մեր միջնադարյան քաղաքների ներքին կյանքի ուսումնասիրման համար մեծ արժեք ներկայացնող այս կանոնների մասին, որքան մեզ հայտնի է, թուղթիկ հիշատակություն ունի միայն Ղ. Ալիշանը «Երզնկա և Յովհաննես Երզնկացի» խորագրով իր հոդվածում: («Յուզիկը հայրենեաց Հայոց», հատոր երկրորդ, Բ. տպ., Վենետիկ, 1921, էջ 416): Նա հայտնում է, որ 1280 թվին սուրբ Գրիգոր վանքի միաբանները նորոգեցին իրենց միաբանությունը և խնդրեցին Հովհան Երզնկացուն գրել իրենց համար կանոններ: Վերջինս կատարելով նրանց խնդիրը, գրեց «Կանոնք և Սահմանք միաբանութեան եղբարց...» վերնագրով կանոնախումբը: Ալիշանն անշուշտ թյուրիմացության մեջ է: Կանոնախմբի բովանդակության նման շփոթություն կարող էր առաջանալ, եթե ենթադրենք, թե նա ձեռքի տակ ունեցել է նույն Հովհան Երզնկացու մի այլ աշխատությունը, որի վերնագիրը («Յա-

սին մի հիշատակագիր հայտնում է հետևյալը. «Եկաւ ահագին շարժ և աւերեաց զբոլոր մայրաքաղաքն յԵրզնկայ, և երկոտասան հազար այր և կին ի ներքոյ հողին մնացին» (ձեռագիր № 1309, էջ 261ա): 1483 թ. երկրաշարժի մասին Մատենադարանի ձեռագիր ավետարաններից մեկի ստացող Հոհաննեսը գրում է. «Վասն ծովացեալ մեղաց իմոց Երզնկա քաղաք տապալեցաւ և ժլր (18.000) ոգի ի ներքև հողու մնաց, և այլ ոչ մնաց մի կենդանի» (ձեռագիր № 6879, էջ 364ա): Քաղաքի կործանարար երկրաշարժերի մասին Երզնկայի բանաստեղծները աղեկտուր ողբեր են հորինել: Դրանցից Ղուկ-օղլի Երզնկացին գրում է, որ երկրաշարժից «... Տասն հազար հոգի մեռան

Հայ ու հոռոմ ու մուսուրման

Մայրաքաղաքն աւերեցաւ» (ձեռագիր № 7709, էջ 108բ):

Թորոս Երզնկացին, հավանորեն նույն շարժի մասին գրած իր ողբի մեջ ունի հետևյալ տողերը.

«... Անասելի մարդ կոտորեց

Ներս, որ թուաւ՝ տասն հազար.

Շատ մի սպանեց մեծ խոճանին...:

Շատ հիւնէրպանտ փշաքէրնէր» (ձեռագիր № 9271, էջ 108ա):

Կան նաև այլ վկայություններ (տես, օրինակ,

զագս միաբանութեան եղբարց, բանք սուկաւ և պիտանիք՝ վկայութեամբ գրոց սրբոց, զորմէ թուղթ գրեցի սիրով եղբայրութեան այնոցիկ, որք ցանկան փափականաւ բանից իմաստութեան՝ փոքր ինչ նման է մեզ հետարբերող կանոնախմբի վերնագրին:

«Սահմանք և կանոնք» բաղկացած է մի հարյուրից և երեք գլուխներից:

Նախաբանում ասված է, որ մարդկանց համար գոյություն ունի կյանքի և վարքի երկու ճանապարհ. մեկն այն է, որ սուրբ հոգու առաջնորդությամբ տանում է դեպի հանդերձալ երջանիկ կյանք, մյուսը, որ լայն է ու ընդարձակ և զտնվում է սատանայի առաջնորդության ներքո, տանում է դեպի կորուստ: Շատերն են գնում այս երկրորդ ճանապարհով: Երզնկայի եղբայրությանը պետք է առաջնորդի սուրբ հոգին դեպի «յերկիր ուղիղ բարի ճանապարհաւն»:

Ապա, հեղինակը հայտնում է, թե շորս տարրեր տեսակի եղբայրություններ գոյություն ունեն: Եղբայր են կոչվում, նախ, բոլոր մարդիկ միմյանց նկատմամբ. երկրորդ, եղբայր են միևնույն ծնողների զավակները, երրորդ, բնորոք բրիստոնյաները, մկրտվելով միևնույն ավագանում, և լինելով «Քրիստոսի և երկնաւոր հաւրն որդիք», դառնում են եղբայրներ:

Այլ է Երզնկայի եղբայրությունը:

«Այլ դուք,— գրում է Հովհան Երզնկացին,— ի վերայ այսոցիկ շորորդ տեսակք եղբայրութեան հաստատեցէք ի միջի ձերում, որ գրովն է, և կանոնական սահմանաւ, և բարեսէր ժողովմամբ, և ընկերակցութեամբ, և միաբանու-

«Պատմութիւն Առաքելի Դաւիթեցւոյ», Վաղարշապատ, 1884, գլուխ ԾԵ, էջ 481, 482, 486 և այլն), բայց սահմանափակվենք բերածով: Տվյալներից ոչ մեկում շարժից զոհված երզնկացիների թիվը 10.000-ից պակաս չի ցույց տրված: Իսկ 1483 թ. երկրաշարժի մասին խոսող ժամանակակիցը, հայտնելով, որ զոհերի քանակն էր 18.000, ավելացնում է, թե այլևս մարդ չմնաց կենդանի:

Ճիշտ է, այդ դարերում հազիվ թե քաղաքներն ունենային մանրամասն ու ճշգրիտ տվյալներ իրենց բնակչության մասին, այնուամենայնիվ, կարծում ենք, որ ժամանակակիցները առասպելական չափազանցություններ իրենց տված զոհերի մասին չլին կարող գրել, ուստի և հավանական ենք գտնում, որ Երզնկան XIII—XV դարերում ունեցել է ոչ պակաս քան 40—50 հազար բնակչություն:

Մատենադարան, ձեռագիր № 728, էջ 51բ—84ա:

թևամբ, և միով հաւատով և սիրով, և երկնա-
ւոր ցանկութեամբ»:

Այս նախարանից հետո շարադրված են եղ-
բայրութեան կանոնները, բաղկացած երեք
գլուխներից:

Առաջին գլխով սահմանված են այն կանոն-
ները, որոնք վերաբերում են «եղբայրութեան»
անդամներից ամեն մեկի բարոյական կերպարին
և անձնական կյանքին («Եթէ ամենայն ոք իւր
անձամբն որպէս բաղաբավարի»):

Միաբանութեան անդամները պարտավոր են
սիրել աստծուն, հնազանդվել և խնամել իրենց
ծնողներին, պատվել և իրենց վաստակից
«պտուղ» տալ քահանաներին, մինչև ամուսնու-
թյունը «անարատ կուսութեամբ» մնալ, աս-
մուսնանալուց հետո հոռու կենալ «յօտար և ի
պիղծ անգողնոյ» ամեն օր երեք անգամ աղո-
թել, շաբաթ և կիրակի օրերին անպատճառ գնալ
եկեղեցի և ներկա լինել պատարագին, խոս-
տովանել հանցանքը, հաղորդվել, լինել աշխա-
տասեր, աղբատներին ողորմութիւն տալ և
այլն:

Այս գլուխը «Եղբայրութեան» նպատակներն
ու խնդիրները պարզելու տեսակետից բիշ նյութ
է տալիս: Ակնհայտ է, որ Հովհան Երզնկացին,
որպես այն եկեղեցու ճանաչված իդեոլոգներից
մեկը, մասնակցութիւն է ունեցել այս «Եղբայ-
րութեան» համար «Սահմանք և կանոնք» ստեղ-
ծելու գործին սոսկ այն նպատակով, որ միա-
բանութեան մեջ մտնող «տղայահասակ ման-
կանց» աշխարհիկ ձգտումները սանձահարի,
նրանց միաբանութեանը տա «կրոնական միա-
բանութեան» երանգ:

Այնուամենայնիվ այս կանոնների հիման վրա
հնարավոր է մի քանի կարևոր հարցեր պար-
զել:

Պարզվում է նախ, որ միաբանութեան մեջ
ընդգրկվածները, եթե ոչ գերադանցապես, ա-
պա իրենց մեծամասնութեամբ, եւրոպացի
մաթեմատիկ ևն: «Սահմանքի» հեղինակը նրանց
գիմում է հետևյալ խոսքերով. «Լուսուրբ երի-
տասարդք և տղայահասակ մանդուր, որք
միաբանիք եղբայրութիւնս»:

Զ (6-րդ) կանոնից, ուր սահմանված են ա-
ղոթքի ու ծնրադրութեան ժամերը և՛ տղամարդ-
կանց և՛ կանանց համար, հնարավոր է ենթա-
դրել, որ «Եղբայրութեան» դուները փակ չեն ե-
ղել կանանց առաջ:

Ավելի հետաքրքիր ու բովանդակալից է
«Սահմանքի» երկրորդ գլուխը, ուր շոշափված
են այն հարցերը «Եթէ զինչ օգնութիւն և շահ
արասցեն միմեանց այս միաբանեալ եղբարքս
և որ է պտուղ միաբանութեան սոցաս»:

«Եղբայրների» միմեանց հանդեպ ունեցած
պարտավորութիւններից առաջինն է միասնա-

կան ջանքերով օգնել և ազատել այն «եղբորը»,
որը «ի փորձութիւն մարգկան անդանիցի և
բռնաւորաց նեղիցի»: Եթե որեւէ մեկը մեղքի
մեջ թաթախվի, եղբայրները հնարավոր միջոց-
ներով (աղոթք, խրատ, հանդիմանութիւն,
արգելման հրաման) պիտի ձգտեն ազատել
նրան սատանայի ծառայութիւնից. աղքատու-
թեան մեջ ընկնողին, ըստ իրենց կարողու-
թեան, պարտավոր են օգնել բոլոր «եղբայրնե-
րը», հիվանդին պարտավոր են մխիթարել այ-
ցելութեամբ, գեղով և բժշկով, հանգուցյալի
թաղմանը նույնպես մասնակցելու են բոլորը,
ըստ որում, յուրաքանչյուրը պարտավոր է իր
միջոցներով մեկ օր պատարագ անել հանուն
վախճանվածի:

Այս երկրորդ գլխի հոգվածներից պարզվում
է նախ, որ «Եղբայրութեան» հիմնական նպա-
տակը փոխօգնութիւնն է, ամենօրյա համա-
գործակցութիւնը և միասնական պայքարն ընդ-
դեմ «բռնաւորաց», ընդդեմ «չար մարգ-
կան»:

Երրորդ գլխում շարադրված են այն հոգ-
վածները, որոնք վերաբերում են ուրիշ վայրե-
րից եկողների հանդեպ «եղբայրների» պար-
տավորութիւններին: Նրանք պետք է հյուրըն-
կալեն, պատվեն և օգտակար լինեն այլ վայրե-
րից եկած վարդապետներին և օտարականնե-
րին:

«Սահմանքի» վերջում Երզնկացին գիմում է
«եղբայրների» և ասում, որ առաջնորդվելով
իր կողմից շարադրված սկզբունքներով, նրանք
կնամանվեն ամուր պարսպի:

«Զի որպէս բազմութիւն բարանց,— ասում է
նա,— ժողովեալ ի մի տեղի պարիսպ ամրու-
թեան և պահապան ամուր է բաղաբի, այսպէս
և դուք իբրև զկենդանի բարինս սիրովն աս-
տուծոյ մածեալ՝ անառիկ ամրութեամբ կացէք
ի հաստատութիւնս»:

Հայտնում է նաև, որ «եղբայրութեան» ան-
դամը պարտավոր է ենթարկվել և կառարել
«Սահմանքի» կետերը: Աններելի հանցանք գոր-
ծողները վտարվելու են միաբանութիւնից:

Վերջում պարզվում է, որ «Եղբայրութեան»
մեջ եղել են «կր(տ)սերներ» և «աւագներ»:
«Եղբայրութիւնն» ունեցել է իր պաշտոնեութիւն-
ներ՝ «Տասին գլուխն», «Քառասունին մեծն»,
«Գլխաւորք եղբարցն» և «Ելուխ եղբայրու-
թեանն»:

Այսպիսով՝ «Սահմանք»-ի ուսումնասիրու-
թեամբ որոշակի է դառնում, որ 1280 թ. Երզն-
կա բաղաբում ստեղծված «Եղբայրութիւնը» ե-
ղել է բաղաբային աշխատավորական շերտերի
հատկապես «երիտասարդների» և «տղայահա-
սակ մանկանց» ընդգրկող ու շաղկապող մի
կազմակերպութիւն:

«ճասին գլուխ» տեղումն ու հնարավորություն է տալիս վստահորեն դատել, որ կազմակերպության ստորին օղակում միավորվել են «Եղբայրության» տասը անդամներ, ունենալով իրենց գլուխ տասնապետը՝ Մեկ տասնյակ անձերից բաղկացած 4 այսպիսի օղակներ միավորվել են «Քառասունին մեծի» հրամանատարության ներքո:

Կազմակերպչական նման, եթե կարելի է ասել զինվորական սկզբունքը հնարավոր կլինի կիրառել միայն այն դեպքում, երբ «Եղբայրությունը» լինի բաղադրյալ աշխատավորական լայն շերտերը միավորող կազմակերպություն անմիջապես առնչված շինելով այս կամ այն արհեստի կամ առևտրի մասնահյուղի հետ:

Իսկ որ այն միավորվել է գերազանցապես բաղադրյալ աշխատավորական շերտերին, այդ պարզ երևում է «Սահմանքի» այն հոդվածներից, որոնք վերաբերում են միմյանց հանդեպ «եղբայրների» ունեցած պարտավորություններին (օգնել աղքատ եղբորը, այցելել և բուժել հիվանդին, կազմակերպել մահացածի թաղումը և այլն և այլն): Կազմակերպությունը ղեկավարվել է «Գլխավորը եղբայր» կոչվող օրգանի կողմից, որի ավագ անդամը՝ «Գլուխ հղբայրության»-ը, եթե ոչ որպես կանոն, ապա 1250 թվին եղել է հոգևորական: Ըստ երևույթին նրա ֆունկցիան է եղել հսկել «Եղբայրության» կրոնա-բարոյական սկզբունքներին և սանձահարել «միաբանեալ մանկանց» աշխարհիկ ձեռնարկները:

«Եղբայր միաբանության» մեջ եղել են «աւագ» և «կրտսեր» անդամներ: Ըստ որում «Սահմանքի» տվյալներով ավագ եղբայրը պարտավոր է եղել բաղցրությամբ խրատել կրտսերին, իսկ վերջինս՝ հնազանդությամբ լսել ավագին:

«Ավագների» ու «կրտսերների» տարիքային տարբերությունը պարզ է, սակայն այս ուղի-ճանաչումը, թվում է, արդյունք է ոչ միայն անդամների ծերության ու երիտասարդության: Միջնադարյան համարական կազմակերպությունների կյանքում սերտ աղերս գոյություն ուներ աշխատողի տարիքի և սոցիալ-տնտեսական դրության հետ: Աշակերտները ուսման որոշված ժամանակաշրջանն անցկացնելուց հետո, սովորաբար, իրավունք էին ստանում ինքնուրույն կերպով արհեստով զբաղվելու, կամ դառնում էին ենթավարպետ, չկորցնելով հետագայում, որոշ կուտակումներ անելուց հետո, սեփական արհեստանոց ունենալու երազները:

Նրանց շահերը բխվում էին վարպետների շահերին, որոնք նրանց անմիջական շահագործողներն էին, և այս հողի վրա հաճախակի տեղի էին ունենում բնահարումներ նրանց մի-

ջև: Սակայն նրանք ավելի հաճախ պայքարի էին դուրս գալիս բաղադրի ֆեոդալական տերերի և մեծատուն վաճառականների դեմ՝ դաշնակցելով իրենց վարպետներին:

«Սահմանք»-ի տվյալներով՝ միաբանության հիմնական նպատակը միասնական պայքարն էր բնագծով բռնավորների, և տնտեսական փոխօգնությամբ ու համագործակցությամբ միմյանց զորավիգ ու նպաստամատույց լինելու:

«Վասն զի, — կարդում ենք «Սահմանք»-ում, — աշխարհս այս ծով է և մարդիկ այնկոծին ի սմա պէս պէս պատահմամբ գործոց: Եթէ որ յեղբայրութենէս ի փորձութիւն մարդկան անգանիցի և բռնաւորաց յեղիցի, ամենայն եղբայրն ջան եղեալ հանցեն զնա ի հասունել վշտացն... և եթէ որ յաղքատութիւն անգցի և ի շրջավորութիւն մարմնոյ՝ այլ եղբայրն բոտ կարողութեան և ըստ ուժոյ օգնեալիս...»:

Ցավոք, «Սահմանքի» հեղինակի հաղորդած տվյալները անբավարար են «Եղբայրության» մասին ավելի լրիվ պատկերացում կազմելու համար. մի շարք կարևոր ու հետաքրքրաշարժ հարցեր, օրինակ՝ ի՞նչ բնույթ են կրել և ի՞նչ հարցեր են լուծվել «Եղբայրների» հավաքականներում, բաղադրի տնտեսական կյանքում ի՞նչ ֆունկցիա ու դեր են կատարել «Եղբայրության» ղեկավար մարմինները և նման մի շարք այլ հարցեր, մեր ձեռքի տակ եղած աղբյուրների տվյալներով առայժմ չեն ստանում լրին լուծումը:

Վերահիշյալ հարցերի լուսարանմանը լայնորեն օժանդակելու են XIII դարում, մոնղոլական տիրակալության լծի խստացման ժամանակաշրջանում, Փոքր Ասիայի բաղադրներում առաջ եկած «ախի» («Եղբայր» կազմակերպության մասին եղած վկայությունները) «Ախիներ» բարոգում էին եղբայրություն և յուրասիրություն. Իբն-Բատուտան, որ 1332 թ. ճանապարհորդելուս Կոնստանդուպոլիսում, հաճախ հյուրընկալվում էր «ախիների» (ի միջի այլոց նաև Երզնկայի «ախիների» կողմից), վկայում է, որ նրանք կանգնած էին ազատության պաշտպանության դիրքերում և ոչնչացնում էին բռնավորներին ու նրանց կամակատարներին: Տառապյալներին ու շրջավորներին օգնելը պար-

«Ախի» կազմակերպության մասին տե՛ս Вл. Гордлевский, Из жизни цехов в Турции—К истории «ахи» (Записки Коллегии Востокведов, II, вып. 2. Ленинград, 1927), Вл. Гордлевский, Государство Сельджукидов Малой Азии, Москва—Ленинград, 1941, В. Бартольд, Ислам, СПб., 1918 և այլ աշխատություններ:

տադիր էր նրանց համար: Հայտնի է նաև, որ «ախները» հիմնականում երիտասարդ մամուլի մարդիկ էին:

XIX—XX դարերի ազգագրական տվյալները միաբերան վկայում են այն մասին, որ Անդրրկովկասի բաղաձայնների համբարական կազմակերպությունները միավորում էին նույն արհեստի մարդկանց՝ անկախ նրանց ազգային պատկանելիության և կրոնական դավանանքի: Տիրող դասակարգերի ձգտումը՝ սերմանել ազգամիջյան ատելության ու կրոնական անհանդուրժողականության թույլը սոցիալ-տնտեսական նույն պայմանների մեջ գտնվող այլազգի աշխատավորության մեջ, հակահարված էր գտնում համբարական կազմակերպությունների կյանքի ու գործունեության բոլոր կարևոր բնագավառներում:

Կան վստահելի տվյալներ այն մասին, որ համբարական կազմակերպությունների այդ տրադիցիան նույնպես դարավոր պատմություն ունի: Հայտնի է, որ «ախի» կազմակերպության մեջ ընդգրկվում էին նաև Փոքր Ասիայի բաղաձայնների բրիտոնյա աշխատավորների ներկայացուցիչները: Ուշագրավ է այս առումով նաև այն փաստը, որ 1462 թվին Կոստեց անապատում ընդօրինակված Հայսմավուրբի գրիչ Խաչատուրը հիշատակություն ունի ձեռագրի ստացողի մեծ պապ «ախի Կարապետի» մասին (ձեռագիր № 4883, էջ 613բ):

Նրզնկայի «Նղբայրության» մեջ միաբանվածները նույնպես տոգորված են հարևան ժողովուրդների հետ հաշտ ու խաղաղ գործակցելու գաղափարով ու ջերմ ձգտմամբ: «Նղբայրության» սահմանների մեջ այդ առթիվ կարգում ենք.

«Նւ խաղաղասէրք լինին եղբարքս մեր ի մէջ աշխարհի, ընդ ամենայն ազգ մարդկան սիրով առնիցեն դասել և ղլսել, որ յամենայն ազգէ իմաստունք լիցին՝ մեծարեսցին և յիմաստութենէն շահեսցին՝ առանց հակառակութեան»:

Համոզված ենք, որ «ախիներին» (որոնցից շատ կային նաև Նրզնկայում) և Նրզնկայի «նղբայրների» միջև եղել են մերձավոր կապեր:

Նրզնկայի «Նղբարց միաբանությունը» «Մահմանքի» վստահելի տվյալով պաշտոնական ընույթ է ստացել և ճանաչվել է եկեղեցու կողմից որպես ընդունելի կազմակերպություն, 1280 թվականին:

Մեզ այժմ հետաքրքրում է կարևոր մի հարց. Նրզնկայի այս «Նղբայրությունը» ունեցնո՞ւ է արդյոք իր նախորդները հայկական բաղաձայններում և նման տիպի կազմակերպություններ եղե՞լ են արդյոք նաև հետագայում՝ բուն Հայաստանում և հայկական գաղութավայրերում: Հասկանալի է, որ այս հարցերը մեծ կա-

րևորություն ունեն միջնադարյան Հայաստանի բաղաձայնների սոցիալ-տնտեսական կյանքի ուսումնասիրելու տեսակետից. ցավոք, նրանց գոհացուցիչ պատասխան տալու համար առայժմ մենք զուրկ ենք հարուստ նյութերից:

Այնուամենայնիվ կան մատենագրական որոշ տվյալներ ու ակնարկներ, որոնց կողքով չի կարելի լուծարար անցնել:

Մատթեոս Ուռհայեցին իր «Ժամանակագրության» մեջ՝ պատմում է յառաջ բան զբոսան ամ», այսինքն՝ 1120-ական թվականներին տեղի ունեցած մի շատ կարևոր դեպք: Լսենք նրան.

«... Նոյնպէս յաւուրն բարեկենդանին և նոյն ամին եկեալ կարաւան ի յարեւելից ի բաղաձայն Անտիոք և բարձեալ բերէին տարելս ձուկն, և կային ի մէջ շուկային ի գինարբութեան. և ի լսել բաղաձայնացեալ զձայն պարուց նոցա, ամենայն արք բաղաձայն հասանէին ի վերայ նոցա և ծեծելով գանալից արարին զնոսա, սկսան հանել զնոսա ի բաղաձայն. էին արք իբրև ութսուն՝ բրէզածք և ընտրեալք բաշութեամբք: Նւ յայնժամ ձայն տուեալ մանկտաւազն նոցա, և նոցա միաբան գինեմխեալք էին՝ յարձակեցան ի վերայ բաղաձայնացեալ և ի Սևոտոյն դրանէն մինչև ի տէր-Պետրոս՝ զամենայն արք բաղաձայն փախստական արարին, և կառափնարեկ և ոտնակոտոր արարին արս բազումս. և ապա խաչիւ և աւետարանով երդուեալ նոցա բնաւ այլ ոչ մեղանշել նոցա: Նւ յայնժամ արարին խաղաղութիւն և դարձան ի տեղիս իւրեանց»:

Անտիոք եկած վաճառականների բերած ապրանքը Վանա լճի ապխտած ձուկն է— տարեխոր, ուստի առևտրականներն էլ Վասպուրականից են՝ ամենայն հավանականությամբ հենց Վան բաղաձայն: Կեր ու խում, երգ ու կին, ահա նրանց առօրյան օտար շուկաների հոռու զեռի մեջ: Նրանք կազմակերպված գինական ուժ են ներկայացնում, զինված են բերրով (այդ չի նշանակում թե այլ զենք չեն ունեցել), ունեն իրենց հրամանատարը, որ Ուռհայեցու կողմից կոչվում է «Մանկտաւագ», վերջինիս կոչով բուրր, «որ էին արք իբրև ութսուն», մի մարդու նման ոտքի են կանգնում և հալածում իրենց ծեծողներին: Նրանք հարյուրավոր կիլոմետր դժվար ճանապարհ են անցել, ազատել են իրենց ապրանքը գիշատիչ տասնյակ հայացքներից. շրջանցել են բազմաթիվ մարսատներ ու խորամանկությամբ, ուժով, խելքով ու հմտությամբ հեռավոր Վասպուրականից Անտիոք հասցրել իրենց ապրանքը— տարեխոր ձուկը:

Վատթեոս Ուռհայեցի, «Ժամանակագրութիւն», Վաղարշապատ, 1898, էջ 226:

Նրանց այլ ընկերակիցները, նույնպիսի դժվարություններ հաղթահարելով, գնում էին Պարսկաստանի մարդաշատ քաղաքները, հասնում էին Պարտավ և այլ հեռավոր վայրերով ամենուրեք նրանք, վաճառական լինելով հանդերձ, միևնույն ժամանակ զինված կովուղներ էին, որ պաշտպանում էին իրենց անձն ու ռազմը:

Պատահական է արդյոք 80 կտրիճ վաճառականների այսպիսի համագործակցությունը հայրենիքից հեռու: Միայն անձնական շահն ու օգուտն է արդյոք, տվյալ դեպքում միավորել նրանց: Համոզված կարելի է հայտարարել, որ ոչ Ոչ թեկուզ այն պատճառով, որ նրանք հանդես են գալիս որպես կեր ու խումի, գինու ու կովի փորձված ընկերներ, մի ընկերություն, որ չէր կարող ծնվել Անտիոքի նահապարհին: Եթե նրանք իրար հետ կապ չունեցող անհատներ լինեին, օտար շուկայում նույնիսկ հակադիր շահեր պետք է ունենային, ամեն մեկը պետք է ձգտեր ավելի շուտ վաճառել իր ձուկը և տուն դառնալ:

Վերոհիշյալ հետաքրքրաշարժ դեպքի հանգամանքները պարզելու համար բացառիկ արժեք է ներկայացնում Մատթեոս Ուռհայեցուց մեջ բերած հատվածի «Մանկտաւագ» տերմինը:

«Մանկտաւագը» հանդես է գալիս, որպես բրերով զինված 80 երիտասարդների ղեկավար. նրա կողով բոլորը կովի են ելնում: Չափազանց ուշադրավ այս տերմինը կազմված է «մանկտի» և «աւագ» բառերից:

Մեր բառարաններում (և նոր հայկազեան բառագիրը, Ստ. Մախատյանի «Հայերեն լեզվի բացատրական բառարան») «մանկտի» բառի արձանագրված իմաստներից են՝ «պատանի», «երիտասարդ», «զինվոր», «քաջ զորական» և այլն: Ուշագրավ է նաև մանկտի բառի գաղափարին իմաստներից մեկը, որը համարվում է «մակարներ» (ամուսնացող երիտասարդի ընկերներ) բառին: Բացի արձանագրված այս իմաստներից, Հակոբ Կլայեցու (XIII դար) «Մեկնութիւն նուրբ գրեանց» աշխատության մեջ կա մի հատված, ուր այդ «մանկտի» բառը դորձ է սծվել երիտասարդ արհեստավոր իմաստով¹:

¹ Այդ հատվածում հեղինակն ասում է, որ դիպակագործությամբ, ոսկեգործությամբ և շքեղ ու թանկարժեք ապրանքներ արտադրող այլ արհեստներով հոգևորականները չպետք է զբաղվեն, «այժմիք յոստայնանկութեամբ բաւականացուր յոստայնանկական արուեստս, և մի որ մանգանց անարգիլ մտաց իմացուածք են և

«Մանկտի» բառի այս իմաստները, ինչպես և այն որոշակի տվյալները, որոնց համաձայն նրանց կայի «Նղրայրության» և «ախիս կազմակերպության անդամների մեծագույն մասը ամուրի երիտասարդներ, այսինքն՝ «մանկտիք» էին, անտարակույս են դարձնում այն, որ Մատթեոս Ուռհայեցու նկարագրած դեպքի մեջ գործող «մանկտաւագը» մեզ արդեն ծանոթ «Նղրայրության» նման ինչ-որ քաղաքային կազմակերպության ղեկավար անձ է, որի հրամանին հլու և կոչին հպատակ գործում են «Նղրայրության» մեջ ընդգրկված «մանուկները», լինի՝ իրենց հայրենի քաղաքում, լինի՝ քուե երկրից անսահման հեռու օտար հորիզոններում:

«Հայկազյան բառագրքի» և մեր մյուս բառարանների հեղինակներին «Մանկտաւագ» տերմինի գործածությամբ միայն մի հատված է հայտնի, և այդ Մ. Ուռհայեցու մեզ արդեն ծանոթ հատվածն է: Բարեբախտաբար, այդ բառը մեր մատենագրական երկերում գործածվել է նաև հետագայում: XIV դարի հայերեն ձեռագրերի հիշատակարաններում, օրինակ, «մանկտաւագ» տերմինին հանդիպում ենք երեք անգամ:

1. 1334 թ. Կաֆայում ընդօրինակված Ճառերտիրի հիշատակարանում. («[խեցեք] Բահատուր բազազին, պարոն Հասրատին, Սիմէոն չրախճուն, մանկտաւագ Կազդուրին, պարոն Աւրատին և այլ երախտաւորաց»)²:

2. 1343 թ. մի հիշատակարանում («Պատուեալ ծերունին զԹագվոր մանկտաւագն»):

3. 1357 թ. Սուրբանիայում, Մխիթար Անեղի գրչի կողմից ընդօրինակված ձեռագրում: Իրչին գործակցել է մանկտաւագ ներսեսը («զըրազմավէր ոգի զմանկտաւագ ներսէս՝ զսակաւ աշխատողս ի սմայ, աղաչեմ միով ուրողորմայի օգնական լինել»)³: Այդ նույն ձեռագրի հիշատակարանում հիշվածների մեծագույն մասը արհեստավորներ են՝ ութայ Վրանը, դասապ Նուրադինը, գինեծախ Ջաքարէն:

Անտարակույս, այս տերմինին կհանդիպենք նաև հետագա՝ XV—XVII դարերի հիշատակա-

նոցին գայթակղութիւն, զի մանկունք փարին ընդ պայծառ արուեստս և այս, որ մանկանց գայթակղութիւն է անընդունելի է մեզ» (Մատենագրարան, ձեռագիր N° 598, էջ 176ա):

¹ Լ. Խաչիկյան, ՓՊ գարի հայերեն ձեռագրերի հիշատակարաններ, Երևան, 1950, էջ 265:

² Նույն տեղում, էջ 334:

³ Նույն տեղում, էջ 426:

րաններում և այլ աղբյուրներում¹ Այո նշանակում է, որ «մանկտաւագութիւն» ինստիտուտը, գոյութիւն ունենալով դեռևս XII դարի սկզբին (1120 թ. մերձավորապես), իր գոյութիւնը շարունակել է նաև հետագայում:

«Մանկտաւագ» տերմինի հետաքրքրութիւնը այսօրանով չի սպառվում:

XIX—XX դարերի ազգագրական տվյալներով Հայաստանի, Վրաստանի և Թյուրքիայի բազմաթիւ արհեստավորական համարութիւնների մեջ կար հատուկ պաշտոնյա, որ կոչվում էր «իգիթրաշի» կամ «ջիգիթ-բաշի»² XIX դարում այդ պաշտոնյայի պարտականութիւնն էր Ուստա-բաշու կարգադրութիւնները հաղորդել համարութիւն անդամներին, ժողովի հրաշիրել նրանց և այլն: Այդ շնչին եկամուտ բերող պաշտոնը սովորաբար հանձնում էին «ամբարութիւն» այն անդամներին, որոնք ժամանակավորապես կամ ընդմիջող զրկված էին արհեստը րանցնելու կարողութիւնից³:

Իգիթ-բաշու պարտավորութիւնների ու պաշտոնի մեջ չկա որևէ բան, որ առնչի նրա անվան (իգիթ, ջիգիթ—թուրքերեն նշանակում է «բաշի», «բաշ» և այլն) իմաստին: Նա ստորադաս պաշտոնյա է, ուստի որևէ մեկի հանդէպ «ավագ» (բաշի) չէ. նա չի առնչվում որևէ կերպ նաև «երիտասարդ» ու «բաշ» իմաստներին:

Սակայն այդպես էր XIX դարում, երբ Անդրկովկասում և Թյուրքիայում համարական կազմակերպութիւնները, զարգացման դարավոր ընթացք ապրելով, կորցրել էին իրենց կազմակերպչական հին սկզբունքներից շատ-շատերը, երկրի հասարակական ու քաղաքական կյանքում չէին կատարում այնքան կարևոր դեր, ինչպես անում էին նրանց հետագայում նախորդները XII—XIII դարերում, զինված ուժ իրենցից այլևս չէին ներկայացնում և այլևս Այս բոլորի հետ մեկտեղ, այնուամենայնիվ, «իգիթ-բաշի» տերմինը (որ հայկական «մանկտաւագ» տերմինի հարազատ թարգմանութիւնն է), ինչպես նաև «Աղսախկալ», «Ուստաբաշի» և համարութիւնների հետ կապված այլ տերմիններ, վկայում են քաղաքային համարական կազմու-

կերպութիւնների և միջնադարյան «եղբայրութիւնների» սերտ կապի և առնչութիւն մասին:

Նարագրված տվյալներով, որքան էլ նրանք սուղ և ակնարկային լինեն, թվում է, թե կարելի է ապացուցված համարել, որ դեռևս XII դարում Հայաստանի քաղաքներում կային կազմակերպութիւններ, որոնք միավորում էին քաղաքի արհեստավորական և առևտրական շերտերին, կազմակերպում էին պայքար ընդդէմ «քոնավորներին», օգնում էին տնտեսապես քայքայված ընկերոջը, ղորավիգ էին լինում միմյանց քաղաքական ու տնտեսական գործունեութիւն քոյոր բնագավառներում: Նրանք միաժամանակ կարևոր դեր էին խաղում՝ «բաշ» զինված ուժ: Մանկտաւագի գլխավորութիւնը նրանք հարձակվում էին իրենց թշնամիների վրա, հալածում էին իրենց հարստահարողներին, բռնակալ ֆեոդալներին, իսկ հաճախ նաև, որպես քաղաքի իսկական հայրենասերներ, կրծքով պաշտպանում էին այն օտար նվաճողների հարձակումներից: Այդպես, օրինակ, հայտնի է, որ 1243 թ., երբ մոնղոլները Բաշու Նոյինի գլխավորութիւնով պաշարեցին Սրգնկան, «Բնակիչը քաղաքին քաղում հարուածս հասուցեալ ի վերայ զօրացն թաթարին»⁴:

Մեզ հետաքրքրող ժամանակաշրջանում Հայաստանի բոլոր քաղաքներն են արդյոք ունեցել այդպիսի կազմակերպութիւններ: Վճռական պատասխան տալ այս հարցին չենք կարող թվում է սակայն, որ այն յստիք քաղաքները, որոնք կարևոր դեր են կատարել որպես արհեստագործութիւն և միջազգային առևտրի կենտրոններ՝ պետք է որ ունենային այդպիսի կազմակերպութիւններ:

Մեզ արդեն հայտնի է, որ Սրգնկան և Վասպուրականի քաղաքներից Վեկր (ամենայն հավանականութիւնով՝ Վանը) ունեցել են նման կազմակերպութիւններ:

Սրգնկայի «Եղբայրութիւն» «Սահմանքի» մեջ կա հետևյալ ուշադրալ հատվածը:

«Իսկ երրորդ դուխն այն է, որ և այլոց բարի արասցեն, որ գան ի հեռաւոր աշխարհաց և կամ ի սոցանէ գնան յայլ աշխարհ՝ օգտին և օգտեցուցանեն»:

Հատվածի բովանդակութիւնն այն է, որ «Եղբայրները» պարտավոր են այլ վայրերից եկողներին բարութիւն անել (հյուրընկալել, կերակրել և այլն), որպեսզի իրենք ևս փոխադարձաբար հյուրընկալվեն ուրիշ երկրներ գնալու դեպքում: Այս հատվածը չի կարելի դիտել սոսկ որպես արտահայտութիւն քաղաքային կազմակերպութիւնների «հյուրասիրու-

¹ «Մանկտաւագ» բառը գործածվել է նաև որպես անձնանուն: Հ. Աճառյանը (տես՝ «Հայոց անձնանունների բառարան», հտ. Գ., էջ 203), գտնում է, որ այն կազմված է «մանկտի» և «աւագ» հայերեն բառերից և ունի «մանուկների ավագ, ուսուցիչ կամ վարձպետ» իմաստները:

² Ю. Ахвердов, Тифлиссские ам-
кары, Тифлис, 1887, стр. 17 и др.

³ Կիրակոս Գանձակեցի, Պատմութիւն Հայոց, Թիֆլիզ, 1909, էջ 268:

թյանս: Ոտար-հեռավոր երկրների հետ կապ ունեցող և հեռավոր քաղաքներում հյուրընկալություն ակնկալող քաղաքացիները, անշուշտ, առևտրականներ էին, որոնք անդամաճան իրենց առաջ և ետուրձ-ի սկզբունքին, «օգուտը էին տալիս այլոց՝ օգուտը ստանալու ակնկալությամբ միայն (օգուտին և օգտեցուցանենք)»:

Այստեղից կարելի է, թերևս, եզրակացնել, որ նման ռեզայրություններն գոյություն են ունեցել Հայաստանի և շրջակա երկրների այլ վաճառաճաճ քաղաքներում նույնպես: Կարծում ենք, որ միջնադարյան Հայաստանի մայրաքաղաք Անիի վերաբերյալ ունենք փոքր ինչ ավելի որոշակի տվյալ:

Ինչպես արդեն առիթ ենք ունեցել նշելու Երզնկայի Եղբայրությունից օգուտը՝ 1280 թվին կարգվում է Գրիգոր Սանահնեցի անունով մի ծերունի վարդապետ: Այդ Գրիգոր վարդապետը, ամենայն հավանականությամբ Երզնկայում հաստատված հենց այն գրասեր Ահարոն-Գրիգոր վարդապետն է, որն ընդօրինակել է տվել Երզնկայի Եղբայրության «Սահմանքի» մեջ հայտնի հնագույն ձեռագիրը (N° 2329): Այդ ձեռագրի 281ա—283ա էջերի ինքնագիր հիշատակարանում, ձեռագրի ստացող այդ Գրիգորը գրում է.

«Ի թուլականին՝ Զն (1291)... նուստ և անարժան սպասաւորս րանի Ահարոն մականուն Գրիգոր կոչեցեալ ստացա զգիրքս զայս, որ է Քերական և Արուեստ գրադարձի և Համառատ կանոնք՝ երկու դիտավորութեամբ. մի, զի ընթերցեալ աւգտեցայց ի սմանէ, վասն որոյ և խոշորագիծ ետու գրել ի թերութեան ժամանակի, և երկրորդ, զի յիշելոյ պատհան լիցի մեզ յետ վճարելոյ մեզ ի մարմնաւոր կենացս...»:

Այս նույն ձեռագրի մեջ հետագայում արված երկու հիշատակությունների համաձայն (էջ 1բ, և 283ա) այս Գրիգոր-Ահարոն վարդապետը վախճանվել է 1316 թ. օգոստոսի 18-ին: Սակայն խաղաղ չի անցել Երզնկայում նրա կյանքը այդ մեկ քառորդ դարի (1291—1316 թվերի) ընթացքում:

Նրան պատկանող մի այլ ձեռագրի ինքնագիր հիշատակարանից (ձեռագիր N° 1342, Մեկնութիւն Ղուկասու յիգնատիոսէ) տեղեկանում ենք, որ այն գրվել է.

«Ի մայրաքաղաքն Երզնկա, րայց ի կառարումն ոչ ել, զի այլազգիր մահմեդական ասպատակեցին ի գաւառն, ի քառասներորդաց պահոցն յերկրորդ շաբաթուն, և բազում քրիստոնեայս՝ եկեղեցականս և աշխարհականս նա-

հատակեցին և յանխնա և անողորմ սրակոտոր արարին և զայսն գերի վարեցին և սատիկ և անհնարին ահ և երկեղ և տագնապ և խուժութիւն եղև բնակչաց քաղաքին: Եւ որպէս յուր վր ցրուեցան ի քաղաքացեացն ընդ ամենայն կողմանս, նույնպէս և մեր մազապուրծ եղեալ րազում տառապանաւ և աշխատութեամբ դիմեալ յԱրեւելից կողմն: Խնամք ողորմութեանն աստուծոյ առաջնորդել հասուց զմեզ յԱնի քաղաքս. և աստ եղև կատարումն գրոցս, ընդհաւր և աւգնականութեամբն աստուծոյ, ի յաւանիս հայոց Զնկ (1292), ի մարտի Ժ (10) և ի հոկտեմբեր ԺԳ (13), ձեռամբ մեղապարտ և անարժան վարդապետի Ահարոնի՝ մականուն Գրիգոր կոչեցեալս:»

Անի քաղաքում նրան հյուրընկալում են և խնամում Գրիգոր ծեր քահանան, Սիմեոն միայնակեց Մարտիրոսեցին և ուրիշներ: Երախտագիտությամբ է հիշում նա իրեն հանդեպ օգուտ և ողորմութիւն ցույց տված անձանց:

Հակված ենք կարծելու, որ Երզնկայի 1292 թ. աղետից փրկված Գրիգոր-Ահարոն վարդապետը Անիում հեշտությամբ գտնում էր թե օթեվան, թե «խնամք ու զթութիւն», թե զիրք ու մտերմություն, որովհետև Անի քաղաքում ևս կար Երզնկայի «Եղբայրություն» կազմակերպության նման մի կազմակերպություն, որի անդամների պարտավորությունների մեջ էլ հյուրընկալությունն ու օտարականի պատվելը առաջին տեղերից էր գրավում:

* * *

Այժմ աշխատենք առկա սուղ փաստերի միջոցով առաջ քաշել Երզնկայի «Եղբայրության» և ընդհանրապես քաղաքային պլերսի դադափարախոսության ատնշվող մի երկու հարց:

Ինչպես արդեն տեսանք XII—XIII դարերի Հայաստանի քաղաքներում դասակարգային հակամարտությունները սրվում են ծայր ուստիճանի: Փողի ուժով տնտեսական ու քաղաքական կյանքի հրամանատարական րարձունքները նվաճող մեծահարուստ ու փարթամ վաճառականները, որոնք պարծենում էին ոչ թե իրենց տոհմի ազնվականությամբ ու հին անցյալով, այլ իրենց հսկայական նյութական մի-

1 Մատենադարան, ձեռագիր N° 131, էջ 260ա—160բ:

2 Այս շրջանի «Հերձվածողական» գաղափարների մասին մենք արդեն առիթ ենք ունեցել խոսելու «Աղանդավորական գաղափարախոսությունը Հայաստանում XII—XIV դարերում» հոդվածում (տես ն. Մառի անվան կարինետի «Աշխատություններ», 1947 թ., N° 2, էջ 181—209): Այժմ ձեռքի տակ ունենք նոր նյութեր:

1 Մատենադարան, ձեռագիր N° 2329, էջ 282ա:

չոցներով, բնական է, որ պետք է պայքարեն երկրի ֆեոդալ իշխողների և նրանց կամակատարների՝ եկեղեցականների դեմ:

Այս պայքարի արդյունքը լինում էր այն, որ շատ մեծատուն վաճառականներ դրամի սամե-նակարող ուժով ձեռք էին բերում կալվածքներ, իսկ այդ կալվածքների հին տերերը, աստիճանաբար կորցնելով իրենց ունեցվածքը՝ ղրկվում էին անաշխատ ու շռայլ կյանք վարելու իրենց նախկին հնարավորություններից:

Մեծատուն վաճառականների և նրանց գաղափարախոսների համար գաղտնիք չէր, որ եկեղեցու հովանու տակ էին պատսպարվում և զգեստավորված շարունակում տիրել իրենց հրակայական կալվածքներին հայ ֆեոդալական ընտանիքների նվազ ու վտիտ շառավիղներու: Եկեղեցին աշխատում էր հնարավոր բոլոր միջոցներով կաշկանդել առևտրականության ազատու ու համարձակ գործունեությունը, հատկապես այդ գործունեության այն կողմը, որն ուղղված էր ֆեոդալական տնտեսական հարաբերությունների դեմ:

Տնտեսական ու սոցիալական այս հողի վրա քաղաքներում հանդես են գալիս մարդիկ, որոնք.

«Բամբասեն իսկ (զվարդապետս)՝ ազահս և հեշտասէրս և իշամեղուս անուանեն զնոսս և դատարկակեացս, և որ ինչ սոցին նման են»:

Վարդապետներին և ընդհանրապես հոգևորականությանը իշամեղու, ազահ ու հեշտասեր անվանողները, բնական է, որ պետք է թերանային հավատի հարցերում և հակադրվեին եկեղեցու իդեոլոգիային:

Եվ իրոք, եկեղեցի հաճախելը դառնում է մի ծանր պարտականություն, որ միայն կեղծ բարեպաշտություն ցույց տալու նպատակով երբեմբ-երբեմն կատարում էին առևտրական դասի ներկայացուցիչները:

1371 թ. մի հոգևորական վկայում է այն մասին, որ ինքը ծանոթ է 15-ամյա մի պատանու, որը դեռևս եկեղեցի չի մտել և պատարագ չի տեսել, և մի ուրիշի, որը 10 տարուց ավելի է, ինչ չի հաղորդվել:

Եկեղեցի,— գրում է նույն հեղինակը,— սարդի ոստմամբ լցեալ, զգեստ փոշակալեալ և ցեցակերեալ կամ քնաւ անզարդեալ, հաղորդութիւն խորհրդոյն բորբոսքն եղեալ կամ ի մկանց ծախեցեալ, բահանայր և առաջնորդք գայթակեցուցանեն և ոչ շինեն զհաւտսս¹:

¹ Սարգիս Շնորհալի, Մեկնութիւն եօթանց թղթոց կաթողիկոսայց, Կ. Պօլիս, 1826, էջ 54:

² Մատենադարան, ձեռագիր № 581, էջ 255բ—256բ:

Քաղաքային իշխող շերտերը, այնուամենայնիվ իրենց կապերը չէին խզում եկեղեցուց: Հնդհակառակը, XII—XIV դարերում նրանք էին հիմնականում, որ կառուցել էին տալիս ու վերաշինում եկեղեցիներ ու վանքեր: Նրանք քաջ ըմբռնում էին, որ եկեղեցին իրենց պետք է գալու, որովհետև և՛ եկեղեցու և՛ մեծատունների դեմ ծառանում էին հասարակության աշխատավոր ու շրջավոր այն շերտերը, որոնց մտահոգում է այն հարցը, թե՛

«Վասն է՛ր շարքն ի հանգիստ կան և մեծատունք են և փափկանան միշտ և յուրախութեան են յանապազ և մեր՝ կարաւտ ամենայն բարեացս»:

Ձարերիս շարքում այդ սկարօտ ամենայն բարեացս շերտերը դնում են բոլոր նրանց, ովքեր սփափկանան միշտ և յուրախութիւն են աշխինքն և՛ հոգևոր և՛ աշխարհիկ տերերին:

Այդ շերտերը հասել էին արդեն այն դիտակցությանը, որ աստված բոլոր մարդկանց ստեղծել է զուլգ և հավասար՝ միևնույն իրավունքներով՝ իշխել գաղանների, սուղունների, թռչունների ու ձկների վրա: Ուստի և տիրիչ և ճորտ գյուղացու, մեծահարուստ վաճառականի և աղքատ քաղաքացու փոխհարաբերությունները ստեղծվել են հետագայում՝ բռնության ճանապարհով:

«Տիրելն այսու եղանակաւ գործեցեալ էղև ր սկզբանէ, զի հզօրքն և կարողքն բոնացան ի վերայ տկարացն և հնազանդեցուցին զնոսա և ընչեղքն և հարուստքն ծառայեցուցին ինքեանց զաղբատքն»:

Եկեղեցին տիրող դասակարգերի կողմից պատվեր ունեւ միշտ քաղաքական պատսպարության ու ծառայական հնազանդության մեջ պահելու աշխատավոր ժողովրդին: Այս նպատակով, այն ամենը, ինչ կարող էր աշխատավոր ժողովրդի սրտում արթնացնել սեր դեպի կյանքը, մղել նրան պայքարի ընդդէմ բռնության ու անուղղարացի սոցիալ-տնտեսական հարաբերությունների՝ եկեղեցին հայտարարում էր սատանայի գործունեության ու անգղեցության արդյունքը:

Եկեղեցու իդեոլոգները քարոզում էին, թե սատանան մարդկանց կորուստի մատնելու համար բազմաթիվ հնարներ գիտե.

«Զմմանս (խարկ սատանայ) թառեղաւք

¹ Բարսեղ Մաշկևորցի, Մեկնութիւն սրբոյ աւետարանին, որ ըստ Մարկոսի, Կ. Պօլիս, 1826:

² Նույն տեղ, էջ 103—104 (տես՝ նաև Մատենադարան, ձեռագիր № 1314, էջ 64բ—65ա):

խաղուց և շարաշար ծաղրօք և լկտի կատակա-
նօք, դատարկ և վայրապար խառաւք, զքաջաց
զրոյցն տալ տայ և ուսուցանել զմարդն զաւրա-
ւոր մանուկ և յաղթող լինել, և այն է կորուստ
ի կոխ և ամ ի խաղ փութացուցանէ և ի սպա-
նութիւն...»¹

Ժողովրդին իր «քաջաց զրույցներէն», իր սի-
րելի գուսանների ու վարձակների երգից ու
տաղից, առածից ու հանելուկից կտրելու, հե-
ռացնելու նպատակով եկեղեցու իղեղուղները
բազմապիսի հնարների ին դիմում։ Ներսէս
Շնորհալին ժողովրդական հանելուկների նմա-
նողութեամբ կրօնական բովանդակութեամբ հու-
նելուկներ էր հորինում, «զի փոխանակ առաս-
պելեաց՝ զայն ասասցեն ի գինարբուս և ի
հարսանիս»²։

Մխիթար Դոշն ու Վարդան Այգեկցին օգտա-
գործում էին ժողովրդական կենսախիւղ ու ա-
ռողջ խոսակները՝ մեկնաբանելով և նրանց մեջ
ղեկելով այլ՝ ժողովրդին խորթ գաղափարախո-
սութիւն։

Սակայն աշխատավոր ժողովուրդը սնվում էր
իր ստեղծագործական վճիտ աղբյուրներից, եր-
գում էր իր հայրենիքի, լսում իր ժողովրդի դուրս
եկած գուսաններին ու ասացողներին, շանսա-
լով ու արհամարհելով եկեղեցականների կող-
մից դրված արգելքն ու անեծքը՝ շտապում էր
դիտելու թատերական ներկայացումներ և
այլն։

Մեր մատենագրարանի ձեռագրերում կա հա-
շին նվիրված մի հետաքրքիր ներդրում, որի
մեջ գտնում ենք ուշագրավ հետևյալ տո-
ղերը.

«Յորժամ զանազան թատերք մոլորութեանցն
ի փողոցս քաղաքացն հրեւթանան յօրինեալք,
յայնժամ է տեսանել զխտութիւն մարդկան կա-
տարեալ ձգել զանձինս առ տեսարանն վնասա-
կար ողուցն... րազումք զվաճառաշահութիւնսն
արհամարհելով անգ երթալ դեգերին, այլք
զարուեստս ձեռագրութեանն անփոյթ արարեալ
զօրն ամենայն նստին դատարկացեալք՝ լսել
վնասակար հնչմանցն ձայն, որք զհոգւոցն գոր-
ծեն զապականութիւն։ Իսկ յորժամ իցէ ժա-
մանակ լսելութեան աստուածային ինչ շահա-
ւոր պատմութեանց՝ տազտկացեալք հրաժա-
րին և տարտամեալք հեղգալով ի րաց դարձու-
ցանեն զլսելիս...»³

Այս և նման այլ վկայութիւններից պարզ է
դատւում, որ քաղաքային աշխատավոր շեր-
տերն ունեին իրենց կենսաթրթիո կուլտուրան,

իրենց թատրոնը, գուսաններին և գաղափարա-
խոսներին։

Երզնկայի «Եղբայրութեան» հետ գրական
բեղմնավոր գործունեութեամբ և անձնական
կապերով անմիջաբար առնչվում է XIII—XIV
դարերի նշանավոր բանաստեղծ Կոստանդին
Երզնկացին։

Երզնկացին իր մի շարք տաղերում ակնարկ-
ներ է անում այն հալածանքների ու զրկանք-
ների մասին, որ կրել է ինքը կղերականներից
ստեղծագործելու համար՝ ընդհանրապես և
«աշխարհի» և «սիրոյ» բան ստեղծագործելու
համար՝ մասնավորապես։ Օրինակ, մի տեղ նա
գրում է.

«Ոմանք շարախօսեն զինչն վասն նախանձու,
թէ որպէս խօսի սա այսպիսի բան, զի վար-
դապետի չ' աշակերտել...»⁴
կամ

«Ոմանք շար են հետ ինձ
Ու նախանձով են յիմ վերայ
Վասն իմ գրեալ բանիս,
Որ առ մարդիկ երեւանայ...»⁵

և կամ

«Նայ կէսք մ'ասեն գայ է
Յիմար ու խել մաղաս կարթել.
Ու կէսք ս'ասեն թէ պարտ է
Ջայսպիսոյ արիւնն հեղել.
Նայ ես պատասխանեմ
Թէ՛ Կոստանդին, չէ պարտ լըսել...»⁶

Բայց ոչ բոլոր տեղերումն է Կոստանդինը
զանգատվում իրեն նախանձողներից ու հա-
լածողներից։ Ընդհակառակը, «Տաղ սիրոյ»-ի
մեջ, ուր գովերգում է «գեղեցիկ մորձին», որի
նմանը ոչ ոք չէր տեսել, նա հայտնում է.

«...Եղբարք մի կան հետ մեզ սիրով.
Աշխարհի բան ուզեն գրով.
Նայ ես վասն այն յայտնի ձայնով
Սիրու բաներս ասցի յոլով»⁷

Ովքե՛ր են այդ «եղբայրները», որոնք Կոս-
տանդինից «աշխարհի բաներ» են ուզել, ովքե՛ր
են, որոնք սիրել ու տարածել են նրա «սիրու
բաները»։ Կոստանդինի «քերթուածների» հրա-
տարակիչ Պոտուրյանը, իրավացիորեն նկատում

1 Կոստանդին Երզնկացի, ԺԴ գարու
ժողովրդական բանաստեղծ և իւր քերթուածնե-
րը, հրտ. Մ. Պոտուրյան, Վենետիկ, 1905, էջ
57։

2 Նույն տեղում, էջ 97։

3 Նույն տեղում, էջ 109։

4 Նույն տեղում, էջ 171։

1 Ձեռագիր № 2776, էջ 252բ։

2 Կիրակոսի Գանձակեցւոյ, Հայոց
Պատմութիւն, Վենետիկ, 1865, էջ 69։

3 Ձեռագիր № 1880, էջ 355ա։

ի, որ այս տազի մեջ նշված «Եղբայրքը» կրօնավորք չլին անշուշտ, քայց ովքեր ին, այդ հարցը նա թողնում է անպատասխան: Հնարավոր է, որ Կոստանդին Երզնկացու պատվիրատու «Եղբայրքը» Երզնկայի մեզ արդեն հանձնված միաբանության «Եղբայրքն» լինեն:

Այս հավանական եզրակացությունը հիմնավորվում է հետևյալ փաստով:

Կոստանդին Երզնկացին ունի «Բան Կոստանդեայ առ մեր հոգևոր եղբայրն Ամիր. հոգով ի հոգի և սրտի ի սիրտ» խորագրով մի բանաստեղծություն, որն սկսվում է հետևյալ տողերով.

«Պարոն Ամիր, մեր պարծանաց
Եղբայր և սիրելի...»¹

Այստեղից պարզ է, որ Կոստանդին «հոգևոր

վոր եղբայր» Ամիրը աշխարհական մարդ է («պարոն»), Այդ նույն պարոն Ամիրն է (Փոլին Քալայմաչի մականունով), որ 1336 թ. Թավրեժում ընդօրինակել է Կոստանդինի տաղերի մեզ հասած հնագույն ժողովածուն:

Երզնկա—Թավրեժ վաճառաշահ ճանապարհով անցնող ու դարձող «պարոն Ամիրները» հենց այն «եղբայրներն» ին, որոնց համար Հովհան Երզնկացին 1280 թ. կազմեց «Կանոնք և Սահմանքը»: Դրանց խնդրանքով էր, որ Կոստանդին Երզնկացին գրեց իր «աշխարհի» և «սիրու» գողտրիկ տաղերը:

Կարծում ենք, որ Կոստանդինը չի բավարարվել Երզնկայի «Եղբայրների» պատվերով մի քանի սիրո երգեր հորինելով: Նրա ստեղծագործությունների մտայնությունն ու նպատակադրումն ըստինքյան տոգորված է քաղաքային պլեբսի պաղափարներով ու մտորումներով:

Լ. ԽԱՉԻԿՅԱՆ

¹ Կոստանդին Երզնկացի, ԺԴ դարու ժողովրդական բանաստեղծ և իւր քերթուածները, հրատ. Մ. Պոտուրյան, Վենետիկ, 1905, էջ 153: